

KOTE ŠAJ TE DŽAV KI TE LAV BILOVENGIRI HAKAJALI ARKA?

- Khedipa thaj hakajale klinike kola si ingerenciasa te den bilovengiri hakajali arka
- Avukatia lende ingerenciasa bašo deibe sekundarno hakajali arka
- Ko reoneskere thana taro Ministeriumi bašo nijami:

Reoneskere thana	Telefonia
Berovo	071 205 324
Bitola	071 223 392
Makedonski Brod	071 223 075; 078 640 786
Vinica	071 213 964
Valandovo	071 213 925
Gevgelia	071 224 678; 071 216 267
Gostivar	071 223 180
Debar	071 223 768
Delčevo	071 283 948
Demir Hisar	075 766 695
Kavadarci	075 659 855
Kičevo	071 224 652
Kočani	071 221 580
Kratovo	
Kriva Palanka	071 224 580
Kruševo	071 227 808
Kumanovo	071 227 962
Negotino	071 223 191
Ohrid	071 221 908
Prilep	076 232 886
Probištip	078 330 434
Radoviš	070 261 310
Resen	071 221 246
Sveti Nikole	071 227 862
Struga	071 223 015
Strumica	071 224 526
Tetovo	071 227 893
Veles	
Štip	071 221 484; 070 821 089
Karpoš	071221381
Centar	078 442 006
Kisela Voda	071 224 104
Gazi Baba	071 213 798
Čair	

Pobut informacie ko
www.pravnapomos.mk



Akava dokumenti si hazrikerdo finansiakere suporta tar Evropakiri Unija thaj Evropakoro Konsili. O akate ulavde dikhiba nane zaruri te gndinel pe kaj si oficialnikano gndipe ni jekhatar taro soduj riga.



SO SI BILOVENGIRI HAKAJALI ARKA?

I bilovengiri hakajali arka lokjakerela o resibe dži nijami e dženenge kola sebepi o materialnikano hali nane ko šajdipe te ikeren ko čači pe hakoja thaj interesia.

I bilovengiri hakajali arka saikerela hakajali arka finansirime tari raštrakiri rig, sar thaj tromakeribe taro hardžengoro pokinibe bašo legaribe nesave čipote.

I bilovengiri hakajali arka si kerdi thaj lačhardi e Kanu-nea baši bilovengiri hakajali arka taro 2019 berš.

I bilovengiri hakajali arka leljarela pe sar primarnikani thaj sekundarnikani hakajali arka.

PRIMARNIKANI HAKAJALI ARKA

I PRIMARNIKANI HAKAJALI ARKA saikerela hakajalo informiribe, konsilideibe, bičhalibe, sar thaj arka ko phribe nesave formularia thaj anglihramina.

I primarnikani hakajali arka šaj te istemalekren sa o fizikane džene kolen si dživdipaskere thana ja ačhovi-baskere thana ki teritorija tari Republika Utarali Makedonia.

I primarnikani hakajali arka dena la o reoneskere thana taro Ministeriumi bašo nijami, radžime khedipa thaj radžime hakajale klinike.

SEKUNDARNIKANI HAKAJALI ARKA

I SEKUNDARNIKANI HAKAJALI ARKA dela pes dženeske kaske kamla pe strukani hakajali arka tar avukati baši konkretno hakajali arka thaj kova nane ko šajdipe te pokinel o hardžia baši čipota sebeši leskoro finansiakoro hali thaj kaskoro rodipe si hakoja.

So saikerela i sekundarnikani hakajali arka?

- Hakajali arka tar avukati;
- Tromakeribe tar adalateskere takse thaj hardžia phanle e čipotaja anglal adalari;
- Tromakeribe taro hardžia baš ekspertiza;
- Tromakeribe tar administrativnikane takse;

I sekundarnikani hakajali arka na saikerela o hardžia kolen o dženo so lela bilovengiri hakajali arka si obligacija te džipherel i mamujutni rig te na kamijabikergia ki čipota.

Kole čipotenge šaj te lel pes sekundarnikani hakajali arka?

I sekundarnikani hakajali arka šaj te del pes bašo reprezentiribe ko sa o leveloja ko dizutnikane adalateskere čipote, administrativna čipote thaj administrativna bihaljoviba. O hakajale pučiba šaj te oven phanle e malea, bukjaja, familiaja, socialnikane siguripaja thaj socialnikane arakhibaja numa ko nesave umala kola si lende tari bilovengiri hakajali arka.

I sekundarnikani hakajali arka nane te del pes bašo: carinakere thaj porezeskere bukja; iftire thaj holjamelafia; džipherin bašo bimaterialnikano zijani, numa ko čipote taro viktimia taro došalipaskere aktia, sar thaj ki čipota taro meribe ja šharo invaliditeti; došalipa; publik thaj komunalnikane izmetia; thaj maleskere pučiba ki administrativno čipota.

Kondicie bašo dendipe i sekundarnikani hakajali arka

I sekundarnikani hakajali arka ka del pes džikobor:

- O masekoskoro leibe taro rodutno kova dživdinela korkoro na nakhavela i suma taro minimalnikano neto masekoskoro pokinibe, a džikobor dživdinela ko barabarutno kherutnipe ma te nakhavel i suma taro minimalnikano neto masekoskoro pokinibe thaj masekoskoro leibe taro sakova avutno familiakoro dženo na nakhavela i suma taro 20% taro minimalnikano neto masekoskoro pokinibe

- O rodutne thaj o džene ki familia/leski familia si len ko plesutnipe salde jek khereskoro objekti ja apartmani sar ulavdo kotor tari bina kolate dživdinena. Trujal o apartmani koleste dživdinena si sajbi je taro jek ja pobut fizikane phanle katastareskere parcele sahne thanea na pobaro taro 300 m² ki Diz Skopje ja 500 m² ko komune ki Republika Utarali Makedonia ko ruralnikane maškara. Džipherdeste, šaj te oven len salde jek registririme motornikano vordon kaskiri bukjarni astarin taro motori nane pobari taro 1200 kubeskere santimetria.
- O rodipe si hakoja.

Deibe sekundarnikani hakajali arka bizo dikhljaribe o finansiakoro hali

I sekundarnikani hakajali arka ka del pes bizo dikhljaribe o finansiakoro hali ko akala čipote:

- O rodutno si thanakerdo ki arakhibaskiri familia, dživdipaskiri jekhin baš organizirime dživdipe suportea ja institucia bašo socialnikano arakhibe, decizija taro Centari baši socialnikani buti (ko poadarutno teksti ulavde kondicije),
- O rodutno si zarurea taro vazdibe thaj reprezentiribe ki čipota bašo vakeribe harnevakteskere napia baš arakhibe taro familiakoro čelalipe anglal ingerencialo adalari, ja
- O rodutno sebepi elementarno bibahtalipe, učeder takati ja aver sebepia kola si avrijal tari leskiri kontrola arakhela pe ko finansiakoro hali so mamujkerela le korkori te arakhel pe hakoja.

Ko činavela bašo deibe sekundarnikani hakajali arka?

I sekundarnikani hakajali arka dena la radžime izmedibe-baskere džebe ko reoneskere thana taro Ministeriumi bašo nijami upri baza taro dendo rodipe thaj kerdi dikhljarin taro kondiciengoro pheribe.